

**RIALACHÁN TARMLIGTHE (AE) 2021/1953 ÓN gCOIMISIÚN**  
**an 10 Samhain 2021**

**lena leasaítear Treoir 2014/25/AE ó Pharlaimint na hEorpa agus ón gComhairle i ndáil leis na tairseacha do chonarthaí soláthair, seirbhísí agus oibreacha, agus do chomórtais deartha**

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2014/25/AE ó Pharlaimint na hEorpa agus ón gComhairle an 26 Feabhra 2014 maidir le soláthar arna dhéanamh ag eintitis a fheidhmíonn in earnálacha an uisce, an fhuinnimh, an iompair agus na seirbhísí poist, agus lena leasaítear Treoir 2004/17/CE <sup>(1)</sup>, agus go háirithe an dara fomhír d'Airteagal 17(4) de,

De bharr an mhéid seo a leanas:

- (1) Le Cinneadh 2014/115/AE <sup>(2)</sup>, d'fhorhmeas an Chomhairle an Prótacal lena leasaítear an Comhaontú maidir le Soláthar Rialtais <sup>(3)</sup> a tugadh i gcrích faoi chuimsiú na hEagraíochta Domhanda Trádála. Is ionstraim ilpháirtithe é an Comhaontú leasaithe maidir le Soláthar Rialtais (“an Comhaontú”) agus is é is cuspóir leis margaí soláthair rialtais a oscailt go frithpháirteach i measc a chuid pháirtithe. Baineann an Comhaontú le haon chonradh soláthair lena mbaineann luach a shroicheann na méideanna a leagtar amach ann (“tairsí”) nó a sháraíonn na méideanna sin, méideanna a shloinntear mar chearta tarraingthe speisialta.
- (2) Ceann de chuspóirí Threoir 2014/25/AE is ea cead a thabhairt do na heintitis chonarthacha a chuireann an Treoir sin i bhfeidhm na hoibleagáidí a leagtar síos sa Chomhaontú a chomhlíonadh ag an am céanna. I gcomhréir le hAirteagal 17(1) de Threoir 2014/25/AE, na tairseacha do chonarthaí soláthair, seirbhíse agus oibreacha, agus do chomórtais deartha a leagtar amach in Airteagal 15, pointe (a) agus pointe (b), den Treoir sin, tá an Coimisiún le fíorú, gach 2 bhliain, go gcomhfhreagraíonn na tairseacha sin do na tairseacha a bhunaítear sa Chomhaontú. Ós rud é go bhfuil luach na dtairseach a ríomhtar i gcomhréir le hAirteagal 17(1) de Threoir 2014/25/AE éagsúil le luach na dtairseach a leagtar amach in Airteagal 15, pointe (a) agus pointe (b), den Treoir sin, is gá athbhreithniú a dhéanamh ar na tairseacha sin.
- (3) Ceanglaítear le hAirteagal 17(1) de Threoir 2014/25/AE go ndéanfaidh an Coimisiún athbhreithniú ar na tairseacha gach 2 bhliain le héifeacht ón 1 Eanáir. Dá bhrí sin, ba cheart feidhm a bheith ag na tairseacha do na blianta 2022-2023 ón 1 Eanáir 2022 ar aghaidh.
- (4) Ba cheart, dá bhrí sin, Treoir 2014/25/AE a leasú dá réir,

TAR ÉIS AN RIALACHÁN SEO A GHLACADH:

*Airteagal 1*

Leasaítear Airteagal 15 de Threoir 2014/25/AE mar a leanas:

- (1) i bpointe (a), cuirtear “EUR 431 000” in ionad “EUR 428 000”;
- (2) i bpointe (b), cuirtear “EUR 5 382 000” in ionad “EUR 5 350 000”;

*Airteagal 2*

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

<sup>(1)</sup> IO L 94, 28.3.2014, lch. 243.

<sup>(2)</sup> Cinneadh 2014/115/AE ón gComhairle an 2 Nollaig 2013 maidir leis an bPrótacal lena leasaítear an Comhaontú maidir le Soláthar Rialtais a thabhairt i gcrích (IO L 68, 7.3.2014, lch. 1).

<sup>(3)</sup> IO L 68, 7.3.2014, lch. 2.

Beidh feidhm aige ón 1 Eanáir 2022.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 10 Samhain 2021.

*Thar ceann an Choimisiúin*  
*An tUachtarán*  
Ursula VON DER LEYEN

---